

近道齋詩集



05360

近道齋詩集卷之二

丙戌

後作

閏七夕

新秋重見七萸開。河漢佳期夕。又催匝月離情如一。  
歲連宵。淚雨灑千回。香車已復飛。雲路妝鏡。還應照  
月臺。莫訝從茲人倍巧。今年兩度乞將來。

臘月五夜觀梅

上林葩卉寂寒空。何遜揚州興不同。五葉階萸催歲  
晚。數株園萼向宵中。玉臺影映微茫月。金谷香飄粟  
近道齋集

卷之二

一

烈風桃李休誇。春夜宴可能含雪。鬥芳叢

上元前一日雨


正是金吾馳禁初。曉驚飛雨灑樵疏。空聞墨跡翻青  
浦。那得銀蟾上玉除。濕重難然百燈樹。泥深誰度七  
香車。明宵只好高齋坐。獨向藜輝照檢書。

奉寄威寧伯兄

申伯生靈嶽元方。出太邱。七兵辭粉署。五馬入黔州。

自職方郎中授郡是

皇朝設臣分絳闕。憂木稀青兀兀水。響碧悠悠風俗兼。苗



僚官曹雜土流舊歸職方掌今見遠人柔茂苑繩前  
式昆彌接昔猷治民家有訓爲政學而優訝士邦刑  
理謂爲刑部員外司賓國禮脩謂爲行人司正肺嘉寬衛服干羽格  
遙馭祥鹿夾車轂画熊垂彩旂璽書他日下碑頌此  
都留昔也墮箎唱從來蕙蔭投六書銀管舞萬卷玉  
籤抽西北徒瞻望川原限遠遊寄懷憑短翰吉甫謝  
清謳

送族子紫東省覲威寧

伯氏承

近道齋集

卷之二

二

皇命

青緇牧遠氓阿咸趨子舍黔嶺事遐征芳晝驅馳好  
春衫結束輕采蘭官署暖折柳野橋晴浩浩凌江漢  
迢迢歷楚荆葭隨青雀暗花映紫駟明鳥道峯千疊  
龍腸驛幾程雨餘銀杏濯天霽竹雞鳴每憶揮長塵  
相將對短檠吾真倒困廩爾亦屑瑤瓊文要江山助  
詩多客旅成霜毫行處染風景望中生自昔言家學  
由來作代英鯉庭聞妙旨鳳閣佇蜚聲去矣三春莫  
悠哉百感盈斑衣應羨汝爲別最含情

族子爾忱以朱墨研水中丞共貯一匣爲題絕

句

漬墨生春霧磨丹起曉霞惟應一勺水滋出筆中花

綠牡丹五首

洛都紅紫競芳芬一種曹州迥出群翠幙圍來輕映日綠蘿深處藹生雲花藏葉底遙難認辦在跗中近不分若傍蘭閨含曉露好將眉黛與文君

傾國名花別樣妝輕蟬綠鬢門容光踏莎行去纔留影映竹窺時但有香左氏何年分紫綬姚家今日賦黃裳誰傳鹿韭葱籠色占斷深春錦繡場

近道齋集

卷之二

三

墨羅新本艷如煙樓閣分明暈點圓影入淥池渾不見棲來翠羽鬱相鮮却勝汴郡青飛蝶休數河陽綠睡蟬架上茶蘼欄外柳濃陰一色養花天

綠暗叢中望有無芳傳曹國擅名孤風搖翡翠雙飛翼露浥蜻蛉午日珠紫陌紅妝知莫並青霓白舞也應殊花時若值張祠部座上新添貴客圖

以下二首次宋牧仲

韻

百兩金開尚及春峰嵐朝擁楚臺神洗殘脂粉香偏酷點著蛾眉色更新亭畔楊妃爭解語窓間謝女想

宜顰何當采采堪盈角月幌風簾賞浹辰

紫帽山

青嶂西郊外城中望若何翠連平野色影入大江波  
古洞傳金粟新泉度綠柯夜深遮月小春晚宿雲多  
石塔凌霄漢丹梯蔽薜蘿居然朝帝座嘒冕響瑤珂  
洛陽江

潮信通泉澗清瀾到海流衣冠來晉室景物似中州  
兩岸村烟接長虹架水浮濤翻風入夜波靜月當秋  
車馬塵踪滿壺尊雅客遊漁歌連日動一葉擢輕舟  
近道齋集

卷之二

四

題薛昭遇仙女張雲容蕭鳳臺得絳雪丹度世

画影為施季龍作

效曹唐體

靈境雲褰洞壑開長松樹底坐蒼苔碧霄路近仙娥  
下絳雪丹成羽客來湘浦絃聲猶彷彿漢濱珠佩尚  
徘徊何如采藥逢烟駕瑤井芝厓盡日陪

貞婦

鯨霧昔四塞擾擾紛戈鋌狼火遍墟落虎跡盈市廛  
倉皇綠髻姿纏索相連牽吁嗟有貞婦磨之乃逾堅  
所期風操勵詎保軀命延誓同芝蕙焚不共瓦礫全

從容甘白刃談笑輕黃泉成仁志不奪蹈節生可捐  
慷慨劉義士感激胸氣填濟輩三十九相率歛金錢  
遂完趙璧歸烈火彌鮮妍寒霜萎百草筠菊方蒼然  
孰能艱危際惻惻生哀憐節義兩無憾丹青亮足傳  
吾聞竇二女百尺下深淵又聞韋道安敲石注鳴絃  
誰爲第五琦草疏達高天三復柳州詩秋風淮水邊  
東園雜詠十六首

尚友堂

君非今世士志在古之人遺編千載後高步逐風塵

近道齋集

卷之一

五

論經軒

施氏傳易學七略紀西京祇應傳舊德稽古繼家聲

省吾居

習靜閉園扉虛室光耿耿所求方寸中無事愧衾影

養竹菴

四圍綠叅差垂影映春草羨君庭砌間養得孫枝好

綴巖壑

因地爲巖礪功成點綴間不宜置邱壑祇似在東山

挽春亭

孤亭空四面種得四時花長似芳春艷東皇不迴車  
鴛鴦榭

高榭俛澗沼匹鳥鳴相隨願言頌君子遐年福祿宜  
鶴寮

庭前放晚雲簷下棲夜月月夜九臯聲天際聞清越  
鷺磯

磯邊下振鷺雪羽照清光水雲鷗作伴簪組鶴爲行  
字城

短句老無敵長城不可攻獨來憑雉堞身在最高峰  
近道齋集

秋舍

卷之二

六

素節兌風扇空堂爽氣來人當皎月出酒待黃華開  
荷池

小池種芙渠水與華俱淨何如曲江頭紅雲蓋明鏡  
雲洞

白日氣陰陰石洞宿雲深有時出洞壑便擬去爲霖  
松逕

鬱鬱蔣生逕寒雲繞蒼柯誰念著書者丹鉛歲月多  
蕉窓

有窓不護紗蕉葉綠於綺微雨灑窓前輕颺搖窓裏  
激泉

激水非本性鳴泉一道飛偶然作機事未與智相違

謝星伯初學為詩賜賀五兒周月造語便工次

韻奉酬

蘭夢雖同歲芝庭屬比鄰龍媒應羨汝犬子不如人  
課委瑤箋重翻驚白雪新傳詩他日事休厭劇吟頻

狀元籌

銓宰舊將籤作部

選人掣籤起於明季時譏銓部為籤部

春官新換榜

近道齋集

卷之二

七

為籌此時花纈不同樣

不同得榜眼探花昔人有新詞入樣及花樣不同之語蓋

以場屋文字為花樣

自古科名合巧求

狀元巧得

待買得來寧足

樂

局罷負者向勝者買

却防奪去最堪愁

狀元以四紅合巧得五子一色奪上

般窮達皆言命故賜朱衣與彩霞

相傳散子紅四朱衣

贈富知園和皆山僻上韻二首

蔣生歸處又參尋到日惟應動隱心  
逕轉小亭綠

沼庭通曲磴向青林風塵京國思  
前事雷雨江城送

莫陰重與解衣憑檻坐故園相對是  
同音

塵纓濯罷事幽尋湖海難忘澗壑心  
自有才名傳鳳



闕已聞詩句到雞林芻蘿國色終榮艷喬木家聲起  
藹陰不信烟霞真伴侶肯容臥聽晚蟬音

秋後寓言贈僧志願

萬石巖中景先君昔曾遊天然成洞壑海氣湧林邱  
佛子時相約王孫未可留舊文空在篋風木恨清秋  
代送施潯江撫滇

舊閩承麟閣高牙出鳳城西南開大府朝著選名卿  
山嶽由來峻冰霜底自清以寬存治體用恕佐威明  
皎月從星好和風逐雨生還聞璽書獎竹帛紹家聲

近道齋集

卷之二

八

代送萬朗齋之任河東

寵命移新節清聲出舊臨離筵寒漏杳別路雪雲深  
每念承家緒能忘報國心黃河滋九里喬木竦千林  
事業歸青簡風期在碧岑幔亭春茗熟挂幟擬相尋

紅梅影

庾嶺驛邊千樹艷孤山亭畔一林鮮晴霄照水霞初  
落月夜衝寒火欲然已共蠟黃爭燦爛還將雪白鬥  
嬋娟百花頭上開如許金谷珊瑚不值錢

賦得竹枝影瘦橫殘月

桂魄低朱戶琅干蔽玉除影緣山石瘦光透徑風疏  
直箭橫青幹彎弓挂碧虛由來棲鷺鷥今獨對蟾蜍  
賦得蒼磴幽尋過古寺

幽林石磴點蒼苔躡屐空山澗道回古殿長經巖月  
曉禪扉偶逐洞雲開有時元度閒相訪莫道淵明醉  
未來喜得參尋消萬慮紅塵不上雨花臺

賦得綠疇小駐勞春農

穀雨青疇足蘭風綺陌偏衣黏花似雪車踏草如煙  
載酒王丹政躬耕冀缺賢惟應勤耒耜聖世是豐年

近道齋集

卷之二

九

賦得春景暄和好入詩

坐凭雕闌望翠岑緒風暖送玉樓陰等閒桃李皆新  
艷次第鶯鳩作好音渌水曉晴多到客零壇半景有  
歸吟陽春若問烟霄曲好在西園翰墨林

賦得忽聞画閣秦箏逸

画閣春深翠幙懸誰人閒撥十三弦行雲欲駐高窓  
外白雪遙聽小檻前少婦樓頭當柳陌王孫家世本  
秦川清聲斷續移瓊柱流徵調宮最可憐

賦得佛屋紗燈明小像

燭影明珠絡豪光映碧紗旃檀瞻月面金粟爛天花  
丈六本無相大千猶有涯毛端開寶刹曾是法王家  
賦得今月曾經照古人  
圓鏡斜鈎歷莢催跳丸轉笠幾週迴謝莊賦裏流光  
度度亮樓中照影來人世滄桑多少恨廣寒丹桂鎮  
長開碧霄殿闕高誰問露白風微獨上臺

賦得柳暗花明又一村

前村隨柳復尋花嫩綠殷紅一望賒冪地深垂彭澤  
影晴天遙映武陵霞仙都似隔無多路隱士如今有  
近道齋集 卷之二 十  
幾家愛逐風雩看野馬不應塵鞅是生涯

賦得豆畦欲暗雉初肥

亭臯煙樹接平畦嘉菽葱籠翟雉迷園藿已看連宿  
莽山梁何事逐鷗雞高軒望盡青蕪遠媒翳驚飛繡  
羽低却憶南朝長埭上鏘鏘彩仗駉駒嘶

賦得綠樹陰濃夏日長

火雲蒸畏日綠影蔽高天屋枕千章畔門當五柳前  
水紋涼竹簟風氣潤桐絃此地銷長晝還應似小年

賦得身閒詩曠逸

物外得身閒幽棲即閉關人歸蓮社裏家在朝川間  
澗遶風前竹雲收雨後山吟來詩句好清曠出塵寰  
賦得夢破蓬窓雨

驟雨侵宵打客篷衾寒夢斷黑甜中飛迴園蝶人依  
舊欲到家山路未通雀舫微明蘭燭影雁洲正響葦  
花叢還如馬上堪能續重訪華胥太古風

送余田生之任江津

新將黃綬帶青袍舊日韓門是李翱家住延津騰兩  
劍官從益部夢三刀蘭陔祇望雲山遠棧路休辭月  
近道齋集 卷之二 十一  
峽高早抱一桮歸粉署朝天始得遂林臯

湯少宰招陪隴西公宴陶然亭眺秋色集字

八月追佳踐仙都僻一邱縱歌懷楚晚高興對靈州  
晚曠看庭際朝氛斷嶺頭笙竽深壑扇碁局半簾收  
影撼青梧亂聲過玉簾秋蒼蒼蘆岸冷淡淡水園幽  
宦路簪裾集吟辭沈謝優盟心應不極裁翰約江鷗

同隴西公恭和

聖製覽孝經衍義有感而作

春色陔蘭茂年芳砌莢催浮雲愁眺望愛日晷追陪

在廟周詩感于田舜典哀遺編勤乙夜要道貫三才  
瑞紀靈鳥集符徵白兔來懽心萬國合壽域八埏開  
孝德光前籍天經入

睿裁秋風徒自恨紅葉已成堆

御製朱子大全序恭紀同隴西公集字

道衰鄒孟逝質敝董韓徂邪怪淹年葉浮華騁四區  
濂溪一人出伊岸二程驅先覺生同里超然擢嶺隅  
述經笑毛伏刊簡抵班輸閣老脩看畢

宸居契未殊分章梳細髮條串握靈珠志湛雖英智神融

近道齋集

卷之二

十三

變下愚探尋嗟此會展玩樂無踰拔翰乾元造昭文  
緯度摸長才揭嵩岱麗作照娥烏復有槐庭吼賡歌  
答翠梧

奉和隴西公

恩賜草荔恭紀

綸閣飛瑤札雕鞍遞翠籠

恩先丞相府品亞狀元紅昔者淪巖澗蕭然翳葦蓬新從  
遙傲外移植禁園中五月芳行殿千株映離宮敷華  
承湛露垂實向薰風名號

宸章錫栽培

帝道降石榴輕博望枸杞笑唐蒙信美猶吾土殊私眷我

公一承

天澤渥百果未應同

前題集字

故山與南海嘉果餉六月塞上有華水

草荔舊名華水巖間

金彩綴

聖主錫稱號品味共佳絕裁翰下彤庭遂令識顛末眷我

參鼎老雖飽無內熱書堂對馬枚素志浩歌豁惟

近道齋集

卷之二

三

皇妙幽贊川岑齊擢拔微物際休時在野况才哲

隴西公蒙

恩賜坐籃輿遊熱河行在恭紀二十八韻奉和

鼎鼐功成日翩然念壑邱閒雲天路曠湛露

主恩優掌舍治行邛夔人饋脯脩千齡逢

聖后三接禮康侯魚水誠懽契螭坳意密繅風塵微往夢

霖雨徧荒陬茲土山川異禁城草樹稠東南環澗道

西北倚峯頭宣室思前席離宮命權舟肩輿承寵渥

目賞遂迴周疇昔甲兵際里閭樽俎謀心雖巖穴契

迹爲廟廊留王國時分陝燕畿德置郵閣開丹羽歲  
圃見黑章遊粉梓固云樂江湖寧免憂鴻勳扶太極  
遐想結神州九月搖蘭漿千村種麥疇幔亭經屈曲  
藍水沂湍流霧洞蒼松晚霜籬白菊秋瓊葩疑綴雪  
珠瀑像垂梳芸局徒羈繫寧壇限從遊及門皆睇望  
當宁待謨猷累葉秦婚晉居鄉魯近鄒歸情隨雁去  
旅迹笑槎浮園荔思同采谿毛憶可羞歲華何冉冉  
客興竟悠悠跨岸松陰密平泉石逕幽卷阿吟舊句  
尺幅画滄洲

近道齋集

卷之二

六

和隴西公述德紀難詩

明季失其柄，弄兵繁有徒。餘氛連海嶠，閨位竊珪符。

賊酋林日盛受明命，明王封稱平南伯。

祗類魏營窟，翻爲虎負嵎。中原

初靖亂，南服尚稽誅。處處聞刁斗，年年索粟芻。崑岡  
騰烈燄，丹穴置罟遵。會逢屯厄橫，灾暗覲鸛鷄。  
悲毀室，驚鷓鴣。咄驚雖漁仲，文之彥平居。行不渝，菽莢  
方愴戚。荆樹幾凋枯，慷慨思并命。倉皇便即途，人皆  
危。此去誓不顧，殘膚豺豸谷中嘯。春令原上呼，公儀  
求易子。趙孝競捐軀，義使肝腸激。將涕淚俱克，群

胥感動渠帥亦嗟吁填壑知何濟抱薪計是愚一行  
愁斷雁千里憶神駒衲子來籌箸僧銳峯密獻廝僮

請執爰兵資因冶鐵軍食箕田租其地危千仞懸厓

陟四隅擣巢雖策畫絕徑每踟躕帶斧開榛莽攜媒

逐鷓鴣綠巖謀獵者斲磴託樵夫選卒鋒鏑銳前登

胆氣麤輕便爭走狃趨捷鬥飛颺是夜淒風緊遙隨

燐火趨濃陰寒黦黠澍雨影模糊失路紛零落尋踪

半已蕪銜枚穿泥濘攀葛上嶽嶇山怪行銷矣雲師

助友于冥濛留曉霧晻暄蔽陽烏衆寡誰能料澁日幾

近道齋集 卷之二 十五

事不虞眼迷嵐漠漠駭角鳴嬴老投崖盡梟鷙

棄穴逋摩雲終得李犯雪欲擒吳百戰從茲勝先聲

誰所驅卑旗頻陷陣常用關侯廟墨經自提桴嘗守

村城小惟餘四伍孤時遣兵歸取糧突來乘弱壘勢

似鼓洪鑪投石齊飛礮張拳搏伏軀追奔收組練歸

凱舞錕鋳竟返連城壁全迴合浦珠竹林高素節棠

棣惜芳跗十載夷強寇諸鄉關坦衢威靈廊廟震倫

理鬼神扶既用繩先武還將啟後謨代傳龍豹畧機

握烏蛇圖螭陞馳丸蠟狼星射木狐功成魚得水運



泰鳳棲梧撫甸陳家緒行宮荷

帝俞彩牋揮

聖筆璿榜表名儒若斧光珉碣非煙起石鋪

閩山絕頂有仙鋪庭禹

碑垂點畫湯鼎接規模我祖芝蘭契

先祖與漁仲先生友好

孫研席娛

先生之孫與余同貢成均

夙齡親杖几

余曾謁於籃輿

末坐聽

笙竽老有風流在人看氣槩殊豪情對松菊邨德壽

桑榆文武材何忝

學使孔公獎先生有文武全材

恩華事有孚將來孝義傳青史未應無

隴西公蒙

近道齋集

卷之二

六

恩賜題額對語獻五言二十韻

瑞象開軒籙賡歌和舜徽築巖符聖夢分陝舊王畿

皇眷紆台座

天書出禁闈鳳凰九霄下鸞鵠五雲飛霖雨露要服高風

待振衣豈能忘素尚祗是戀

恩暉荒徑竹千箇故山松十圍一旗春茗熟數甲野蔬肥

近者陳青璣悠哉望翠微却聞駒皎皎徒賦柳依依

更借麟臺掌偏遲鷺渚歸局卧龍洞未掃釣魚磯

榮路終休轍枯棋暫息機歲華憐晚晚鄉思隔芳菲

疇昔爲縫掖從多老布韋許身才不薄撫世意空違  
元宰逢丹宸許謨佐萬幾乃心堂陞合吾道古今希  
縱有烟霞契其如湛露晞且期銘瑤鼎持用答金扉  
附隴西公和詩二首

深恩愧復羞

與君先子舊時諾夜月清溪曉露林委翳不勝良  
近道齋集 卷之二 七

友念羈飛虛負古人心雲迴舜世重華日夢結商  
家萬里陰巨榜高懸驚逾分新詩况復抵南金

元戎李公恭懸

御賜扁額和隴西公紀恩之作  
幕府歸來十載餘華堂今喜奉

天書青編姓字應長在白傅風流盡不如

御筆高懸巢閣鳳

皇情常憶釣磻魚况逢綠野開局日拜詠

恩暉有二疏

壽黃達甫次隴西公韻

榴火添杯色榆星照鬢華分甘同孔奮濟困亦朱家  
元老欽風義新詩紹正葩惟應綺筵上煥爛起祥霞

公手藁朱  
書故云

代壽隴西公 有序

相國隴西公暫離黃扉卻歸綠野晉接殷勤  
於清晝乾文煥爛於紫霄謨明弼諧當宁既  
稽乎典訓明良喜起在廷又盛有賡歌公於  
是捧出九重裝成兩卷喧儒林之盛事爲名

近道齋集

卷之二

文

家之寶傳旣越次年序當九月香浮菊醴逢  
降嶽之佳辰彩映榆星擬如岡之雅什謹纂  
鈔緗簡雕刻髹屏不揣戎行竊追高韻蓋宮  
商相應義固兼夫引年而瓦缶自鳴情實專  
乎介壽云爾

獨抱遺編學魯儒已將大業紹臯謨捧歸玉軸金英  
璨競進瑤觴菊藥敷杖履烟霞來素尚精神龍馬是  
祥符還聞調燮躋仁壽

皇極年年會坦途

和隴西公鰲峯書院詩

驅車向神闕停旆揚儒風勲業酬

明主

經書紹晦翁披帷多使節操几亦文雄  
盛世方興學吾鄉久息戎  
止莪春水綠岡樹曉赧紅鹿洞懷陳蹟  
鸞旂頌魯宮作人君相事斯道古今同  
逕轉山容近亭臨沼面空披雲留雅讌  
化雨是元功若到成材日無忘樹椅桐

暑

雨霽江頭望天陽映密曉光留寂寂庭籟  
佇蕭蕭近道齋集

卷之二

九

晚靄今安遇煩蒸正苦驕寒水坐能得擬玉  
過瓊瑤清源避暑

偶因避暑到魏巔翠嶺清源縱目偏綠徑  
雨餘時叫鳥碧霄磬晚乍鳴蟬南臺別寺  
當幽石蘿室靈蹤謁老仙六月蒸埃消獨  
盡寧忘曾點賞心年

登王家樓二首

王君高屋比層臺永晝常隨素友來夏節  
肯嫌沈紫荔春朝豈惜泛金杯坐看古洞  
山容近時見江臯樹色開攜取歌童爲度  
曲涼簾輕展勿忘哉

屋邊危棟對青峰，浩景流光望處通。間送飛雲移案上，却窺明月入牕中。蘭華曉氣應霑露，露桂酒香筵正。拂風自是埃塵曾不到，悲吟休唱大江東。

劉阮到天台

幽山獨望有因緣，探藥餐胡路已傳。更度洲橋逢二女，却邀洞屋結千年。百罇碧酒分蘭寢，幾曲瑤琴調綺絃。爲問絳蘿真類夢，曉風暮雨侍郎眠。

蕭史攜弄玉上昇

何人引鳳聽歌長，合管曾聞送夕陽。緩節疑應待公

近道齋集

卷之二

二

子凌空早已逐仙郎，同時彌傲青岑畔。比翰招游綺里鄉，三弄不妨喧細細。桂華月滿媚秋涼。

吳宮教美人戰二首

劍氣秋宮起金山，四照明試餘朱錦。墜調熟綠鬟傾總律，除驕志迴奔寄忍情。只應圖楚亂七縱，每能成十隊披裝就佳人。轉影遲有征催妙質，整衆瘁芳姿往返偏難學。酣號競不疑前來聽禁語，誰敢笑聲時

咏巖子陵

桐江江岸水深深，隱退閒曾臥澗岑。客星已出風塵

上故侶漫知物色尋潭邊遊鷺涵清興巖下寒梅對  
素襟我昔羈帆觀片石渡頭鳩雨起長吟

咏陶淵明

飄然清望愛陶翁放意荒園農圃同綠引篠根遮徑  
曲青交柳帶倚門中休論舊國憂何許笑把金醅醉  
不空日夕峯晴詩思滿但攜鳩杖到籬東

憶昔

爲歡追往日託愛感先年取友皆名士求師接大賢  
繁雲披檻對皓月到牕懸楊叟疑狂客梅翁類小仙

近道齋集

卷之二

廿一

詩辭開舊卷度數寫新篇覽境窺蓬戶勤農問水田  
催撓川漾漾揮馬陌芊芊九葉籠纖霧雙莖惹曙煙  
履聲近池鳳冠彩結林蟬被遇親龍案調元首鷺聯  
丹扉頻任寄三徑且忘捐試問沙隄築寧如桂澗還  
間凌蒼嶂嘯更擁碧霞眠瓊萼垂寒麗鶯笙送晝咽  
端居真永念知己負多憐只有歸與願清谿訪石泉

代壽鄭母陳太孺人歌

君不見西京劉光祿白晝校書夜相續天遣老人吹  
藜杖杖頭火光耀於燭一篇珍重等遺經前有傳頌

後丹青不獨文字爲鑒戒佩裳千載觀儀型前脩深  
意論婦式佩悅衿纓慎內則婦式脩成即母儀貞順  
賢明俱不忒驚江聲華說滎陽荆山產出是圭璋古  
來大義美歸善共道音徽盛北堂潁川名系崔盧侶  
德星芒彩鍾賢女鹿車入門即同推鴻案當筵時自  
舉珩璜節度叶歌詩迴步春容韻每遲惟用和柔爲  
正行蘭性蕙質便可知房中綠軫傳清調樹背循陔  
承色笑春秋膳膏候無違晨夕暄寒心自料治毛采  
采動盈筐牖下潔治何齋莊家人之卦爻二四主饋  
近道齋集

卷之二

廿三

肥家德所當中庸高遠由卑邇順親必自兄弟始視  
於無形聽無聲善體親心稱孝子閨中姑嫂即弟兄  
世上母女最關情須道小姑信如妹堂上阿家感至  
誠此意人間誰能識怪道歡心難可得吾曹讀書且  
如此何況陰性多吝嗇太君純懿資三靈豈煩保姆  
深丁寧自將溫惠調和氣至今鍾郝號典型

聖主

龍飛六十春却數當年設悅辰昨日佩珂拜丹闕回

首南望鷺江濱鷺江風景似蓬島海水環迴波浩浩  
數峯縹緲擢神仙萬石巖中雲不掃半天悠揚聞鳳

笙瑤池仙使董雙成還向麻姑索麟脯金漿醲馥瓊  
漿清爛編舞袖南薰颺茲母開顏高堂上玉樹璀璨  
珠樹光枝枝葉葉森相向陶家截髮本留賓冠蓋雜  
選稱觴人願得年年逢此日三雅橫飛送百巡惟我  
與君稱同志一啜周醪心已醉潞河幾載晚蘭馨肝  
腸如雪堪相示農曹使旌奉天書何緣嘉會逐簪裾  
遙遙一獻清宮曲銀鬢丹顏訊起居早晚

皇家紫泥詔連幅縑緙榮國號欲借光祿手中赤玉筆如

椽更與韋柳之母照青編

近道齋集

卷之二

廿三



庚辰南巡恭紀

璇象元涵地瓊輪即配陽順乾施厚化受日表輝光  
簡牒傳堪數徽音志不忘軒轅聞附寶瀉沛降娥媿  
石紐因興夏扶都遂啟商來嬪稱自摯倪妹造爲梁  
明德炎精著宣仁宋業昌

母儀推盛世女範佐

先皇疇昔開平治勤勞事贊襄六宮師法度九御式妃嬪織  
室親繅屢綈衣服澣常繪圖陳鏡鑒應節響珎璜楛  
木歌能逮鳴雞警未央霞明天極後雲繞婺星傍克  
近道齋集 卷之二 附 一  
敬承長樂思齋媚太姜中闈脩悅佩內則舉椒房迨  
及東朝御安居北堂康名真齊任妣頌已比虞唐

聖孝春暉慕

皇情愛景將陔除懷采草河溪感求魴夜寢時先問晨羞  
每自嘗滑甘調冷暖簾席候温涼肅穆禕禴絜雍容  
火玉瑤珠簾垂爽榭笑艦面漪塘宛轉鬪初語低迷  
燕乍翔舒顏依砌藥怡色對墻篁耆武清邊塞神威  
靖漠荒舜階升羽綴禹服奠金湯昆蠢皆生育寰區  
盡享王恩流曦照灼澤被海汪洋歸善情敦懇尊親

義顯揚撫謙辭勿有大美謝何當昨歲江淮幸南州  
杏柳鄉肯教違晝永共奉賞辰良導輦先龍舸扶輿  
上鷁航岸陰纔吐葉隄畔早翻芒始發津澗碧還經  
瀆水黃叟童環祝禱婦子佇瞻望微雨吳江權輕颺  
越港檣喜觀民穡稼欣省戶蠶桑曆紀庚辰正年週  
甲子長

近道齋集

卷之二附

二

近道齋詩集卷之三

戊戌以後作

晉江陳萬策謙季甫著

瀛洲亭宣

旨日口占二首

藻榜重登翰墨臣瀛洲亭北拜

恩新共知晚達非干世所恨微榮不逮親識面只今餘故  
吏題名自古續先人空慙前輩垂推獎浪許驂騑逐  
後塵

庾杲身依綠沼蓮品題國士受恩偏一枝尚在孫弘

近道齋集

卷之三

一

閣萬里曾隨元禮船良實不妨當晚歲好花合擬待  
秋天殷勤訓語鏤肝鬲敢忘春風三十年

擬喜雨應制

清時暘雨叶箕疇乍看亭臯沛澤流潤灑黃梅占應  
候波翻綠麥喜登秋周詩已賦豈夫慶夏諺將歌

聖主遊御羨蜀都題柱客能摘文藻頌油油

恭賦

御製郊原浮麥氣

宸矚當乾月憑高豁四郊青袍被墅岸綠綬結林梢夏麥

浮虛氣周原圻實苞休徵協風雨樂歲一肥磽近水  
清波接連天翠色交從茲歌億穉處處競笙匏

恭賦

御製諸花候御輦

塞垣東北艷暉遲消盡輕寒卉未披到得紅英迎路  
處恰逢

翠輦省方時春隨日馭爭先到律應風行不待吹喜看  
離宮千萬樹傾心共似向陽葵

恭賦

近道齋集

卷之三

二

御製氣融催景麗

玉歷璿璣正蒼龍斗柄迴寒隨庭雪盡春逐谷風來  
月令陽方暢年芳候暗催綠烟隄外密紅糝水邊開  
麗綺金名谷繁華錦作堆共懽逢

聖運和氣遍垓垓

恭賦

御製人烟有慶色

運值三階正文垂五翰聯虞琴宣令序函鼓報豐年  
繡甸紆

宸賞金聲發

睿篇望中窮埜色佳處靄村烟禾黍高低接槐楊遠近連  
細縕環廣陌葱鬱入長天瑞繞和風細光含霽景鮮  
一人歌有慶皇極本無偏

恭賦

御製飛泉界破數峰青

巉巖萬丈灑飛泉迸玉拋珠下半年天一抹黛痕都界  
破數峰青靄不相連拖紳直隔蒼雲斷挂練斜分素  
壁懸自覩

近道齋集

卷之三

三

乾文垂麗藻画家爭向画中傳

恭賦

御製濃妝淡抹耐寒松

北亭南望對遙林積雪經時擁碧岑塵尾輕霑銀靄  
濕龍鱗濃壓素靈深闕風琪樹應爭色卻月瓊枝共  
此心一自

天章標本性千年老幹更森森

恭賦

御製肩輿頻視桃花水

宸遊不爲玩芳華翠輦蒼旂拂岸葭浪急桑乾飛竹箭春  
深穀雨漲桃花蘆溝東轉流清口柳全南迴會子牙  
永定狂瀾成沃土萬年

聖澤洪無涯

賦得夏雲多奇峯

本自高山出還爲列岫容憑虛形更幻當暑氣尤濃  
萬壑隨風變千巖盡日封聚時成壘嶂散處是孤峯  
海市寧留影天梯豈有蹤忽聞蒸溽雨疑落澗淙淙

賦得平楚春草綠

近道齋集

卷之三

四

韶景當芳甸平蕪極遠林氣浮烟共靄色向雨來深  
楚徑青袍映書帷翠帶侵麥芒交細浪柳綫接新陰  
河畔歌中調池塘夢裏吟每承天露湛長有報春心  
賦得秋水共長天一色

秋水共澂徹秋天正霽晴滄波連曠濶碧落映虛明  
河漢斜遙浦江湖混太清初疑雲一氣最好月三更  
試論莊生理誰含宋玉情槎兼泛舸俱得曉風輕  
擬題湯西厓院長新得文徵仲爲李西厓畫閣

林真蹟

茶陵辭黃扉蘭臯憇綠野招尋盛賓侶良辰共杯學  
夢寐輞川圖優游洛陽社同時文待詔水墨擅瀟灑  
寄言丹青妙爲將泉林寫亭樹久寒烟蒿蓬埋古瓦  
代遙變陵谷逕荒斷車馬遺卷尚新鮮居然想風雅  
神物有所歸先機真非假臺閣兩高名往者與來者

代送鄭魚門

鄧林盛杞梓荆山富琮璧惟此大江南才俊之藪澤  
昭世振金鐘簡賢持玉尺恭聞君子心奉命已夕惕  
共知壺中冰表裏俱潔白

近道齋集

卷之三

五

壽徐前輩

紫陌交華轂方知靜者賢菊松陶令宅書画米家船  
日下推耆宿人間號散仙自堪成大隱楚樹得長年  
壽滌翁劉年伯

雲中蒼犬影庭際白鶴窠代註神仙籍人堪孝悌科  
教經看林杏對酒賞煙蘿長得春暉麗風光樂事多

送施伯美之任韶州

豹尾天光近螭頭日影明侍中長執戟閫外看揚旌  
陌雪飛離席鄉雲動遠情青春爛袖喜白晝錦衣榮

盛代周干戢茲都舜石鳴共知勲閱峻累葉紹英聲  
約遊祖家園至豐臺觀芍藥

雅會華簪集良遊紫陌多客心期浩蕩此候正清和  
荒館看垂柳空塘賞小荷平泉餘古石絳藥艷香羅  
芳草騷人興喧鶯醉後歌莫孤筵上約塵堪有煙蘿  
吳五翁暨張孺人雙壽

抗志風塵表遊心翰墨場鹿門身共隱鴻案老相莊  
北闕承毛檄南陔介羽觴顯親應匪懈嘉績報巖廊  
壽田揔憲

近道齋集

卷之三

六

海內瞻名德巖廊重老臣風霜爲法紀龍馬是精神  
寒歲臺中柏遐年楚國椿張蒼應可比壽過百秋春  
贈李南屏

局擬尚書令官齊領護軍韋賢光緒業江揔謝清芬  
瓊瑤荆山剖鐘鏞辟水聞新恩兼舊職煥采動星文  
壽吳使君道存

有美同枌梓爲祥比鳳麟威名三虎賈群從八龍荀  
出牧滇州遠初營泮沼新西曹升粉署北闕拜丹綸  
漕運邦之重郎官



帝所詢公才冠朝著星象應天困移節燕畿左連舳潞水  
濬深情期報國理劇在通人案牘盈秋夏奔馳忘夕  
晨鑑光長不垢玉淨本無塵運偶千年聖時逢二月  
巡撫詞承

睿賞扈蹕擢儒珍謝客詩無敵周郎酒更醇勞歌沿柳岸  
幽興引漁津績業當平世煙霄足致身濟川須異夢  
降嶽自靈神雲物書祥後羲娥欲會辰華簪值強仕  
綵袖正娛親前輩風流在佳期齒髮新相將歲寒意  
堅操老松筠

近道齋集

卷之三

七

和諸葛子襄秋屋四首

黃絹新詞錦不如潘郎秋日感閒居世人知誦凌雲  
賦家法爭傳墜露書文士生涯無一尺長年功課有  
三餘祇愁塵盞侵窓几屋後新營仲蔚廬  
平津東閣旅人家學得攤書且種花五鼓猶酣莊叟  
蜨一旗間試陸翁茶逢嘉客至因開逕是散仙曹不  
上衙多謝巾車頻枉過門前輕碾舊隄沙

吟罷瑤章百事閒後園扉啟望青山數家村屋氛埃  
外半畝池塘草樹間盡日不聞人跡到斜陽惟見鳥

飛還若教買地成鄰舍屣步時來叩竹關  
幽棲何必傍峰嵐斗室寬然近可探環佩偶來共蘭  
閣鐙缸寂坐即茅菴僻間画景如真賞窓下翰音亦  
解譚方朔金門爲大隱笑他捷徑在終南

壽蔡詒東表兄偕老雙壽

粵西處處芾棠陰趙北年年黍雨深化起閨房鏗瑤  
瑟風行閭里動瑤琴劉綱偕註神仙籍賈虎爭喧翰  
墨林他日鹿門歸舊隱幾重天詔到層岑

壽郎中

近道齋集

卷之三

八

粉署聲華冠鷺班星郎恩禮動

龍顏寒林歲向蒼柯晚綺席春隨玉管還自古名人皆降  
岳幾多詩句誦如山北堂更喜雙銀鬢先捧霞杯舞  
袖斑

代壽山人楊梯雲

有美關西彥充然見道容素心山與水家訓友而恭  
塵跡輕朱紱衣冠侶赤松香山他日會招下翠微峰  
送周其蓮

暫辭芸館著萊衣太學何蕃且一歸林下猶逢朱荔

熟海邊休戀白鷗飛  
禾當晚獲爲良實  
花到秋開是德機  
寄語步兵休漫醉  
共將彩筆向天扉

天灣橋二首

州城北面水迴環  
行到天橋徑一灣  
楊柳緣隄交翠綠  
芙蓉隔沼鬥朱殷  
好將舟舸乘明月  
祇覺邨墟似故山  
多羨星郎美風度  
勞歌消得暫時閒

夕陽歸路轉城隅  
炎暑氛埃半點無  
吏部風流爭謝傅  
平河水色類吳都  
三更漏下調歌管  
八里橋邊憶舞雩  
明日不知誰寫得  
輕舟夜月泛江圖

近道齋集

卷之三

九

送成綱齋前輩

親持玉節向南交  
坡壘關前響鐸鏜  
恩賁舊藩光俎豆  
禮成新冊胙苴茅  
誦詩已取通經用  
柔遠今將薄海包  
謾笑生平誇膽氣  
請看騶從滿坳郊

送鄧典籍

高密侯家有俊人  
輶車南去耀星辰  
幾年黃閣司綸客  
今日朱方仗節臣  
文物尚存中國舊  
圭符更冊外藩新  
永教銅柱高標外  
芹站茶籠萬里春

題同門徐錢塘小照

夙駕望京邑車中屬所欽載途瓊雪滿連嶂碧雲深  
客思緣川陸勞歌念古今雖將丹穴羽聲徹九臯禽  
昔感風霜道茲同翰墨林願言貞素節莫忘歲寒心

題徐集功秋林讀易圖

暫住巖扉學隱淪秋林蕭爽淨無塵松柯自不關榮  
悴著草還應問屈伸金馬幾年同曼倩竹簾終日似  
嚴遵六橋無限風光好待得鶯花便及春

壽柯聚公

流火移新律涼颺碧漢清芳傳紫蘭茂影映白榆明

近道齋集

卷之三

十

綺席飛金盞雲璈和玉笙王都回首處兼起故園情

寄秉言

故園榴火晚開時滿市喧喧喚麗支水底看沈赤虬  
卵盤中爭擘白羊脂高齋日靜塵飛少半景風涼席  
散遲誰念蓬山一霸客鄉心同憶竹林期

隴西兩前輩夜過

共得一枝棲今宵屣步西墻高初月轉鄉遠尾星低  
方朔淪金馬莊生養木雞惟應同語命出處庶無睽

華亭司農公蒙

賜御書

聖製詩恭和八篇伏讀感歎竊步四章奉獻

芸閣從容曳履人

九重恩禮眷儒臣虞弦揮處音何古湯鼎臨來迹更真瑤

札光華增邸第珍厨氣味爽心神每懷耆舊

天顏喜此外那曾假一嘔

三公須用讀書人四十餘年侍從臣黃閣承

恩常一體白麻宣

命便爲真好同已閣稱門閥

宋閣中吾宗三  
堯兩爲台輔

祇笑長沙問

近道齋集

卷之三

十一

鬼神庾杲舊依蓮沼畔仰瞻

天藻自歡嘖

五色雲開唱第人韓公位望冠朝臣鳳梧歌咏傳來

少魚水心情寫得真乍睹文昌添瑞景早從崧嶽降

靈神懸知奏草通

行殿

睿賞清辭一展嘖

朝著榮生照翰人

聖皇優念講筵臣羣誇館閣千年遇須信巖廊一德真王

令風華爲領袖裴公龍馬是精神晚來空忝瀛洲客  
也與同官細對頰

送余考功假歸省覲

解綬辭丹闕褰衣向翠岑見君今日事卓爾古人心  
叱馭馳危棧分符傍碧潯江流同浩蕩蜀道豈嶮嶽  
吏部邦之重僊郎衆所欽粉垣稽舊典桃樹種新陰  
考課京房法清曹李重箴宦情輕五斗公望挺千尋  
去即擎孤櫂歸仍抱一琴能因時進退肯與世浮沈  
况有循陔念寧忘陟岵吟驛途秋月澹鄉思白雲深  
近道齋集

卷之三

十三

潔已等寒玉養親非暮金冥鴻真得路慈鳥正依林  
孔李投嘉分芝蘭契素襟相將歲華久荏苒鬢毛侵  
近共平津館常隨赤舄音塵譚晨媿媿碁局夜惜惜  
東閣居猶在西州恨莫禁禁愴悽懷杖几慙愧列纓簪  
聞說壺公麓堪招海客禽田間期結構物外想登臨  
春洞香芽熟村翁竹葉斟半牀遊夢蝶萬卷檢書蟬  
祿命看三甲行藏訊六壬終焉娛澗壑奚以慰蒼黔  
令序方蕭爽連朝尚滯淫高名當烈日離緒對愁霖  
皎皎歌場藿呦呦感野苓何年劍潭上會合兩霜鐔

天橋灣和沈張兩前輩

北郭平河靜不流使君別愛小邨幽  
垣樓吏散人來晚橋檻風涼月上秋  
連日清尊揮綺席有時歌管在  
蘭舟吾儕官職間相稱詞客都緣眺賞留

吳使君於此地餞余考功用前韻

一琴歸去枕溪流餞宴偏宜芷杜幽  
今日且爲同里會此間便似故園秋  
芙蓉隔岸招飛鷓蘆荻當窓繫  
小舟若向煙林窮勝事也須回憶白駒留

壽汪同年祖母百歲

近道齋集

卷之三

三

五雲開處捧

宸章寵渥新承日月傍家慶忻逢

天節慶

賜坊高出狀元坊感王母夢爲靈瑞

王姚江祖母岑氏年百餘歲共生時岑夢

神人自雲中送兒下

打老兒丸有異方同署何人中壘筆更添

榮典照縑緗

上華亭司農三首

一代高名衆所宗千秋竹素事昭融  
經書還得司農定翰墨兼追內史功  
當日洛川雙立雪

先君並出總憲門下多

年沂水世吟風細桃著子如堪賞只在梁門化雨中  
臺有叢蘭閣有芸兩從恩地纂遺文綸扉說易天心  
見蓮府言詩國政聞晚逐清塵望枚馬長思講席奉  
河汾家聲世業淵源在歆向相傳事子雲

回憶春風二十年牙籤親檢絳帷邊一朝鐵案裁明  
史萬首瓊細答舜絃碧落同瞻卿月迥寒芒直與五  
星連金丹秘訣終傳付凡骨也應換得仙

送力 夫南歸

雁序翩翩盡友聲

余與介夫同年  
因盡識其昆季

一年兩度送南征

近道齋集

卷之三

十四

六兄  
先歸里

暫攜詩卷歸蘭社便逐賢書上玉京素菊

却經寒有色才人須到老成名共知此別無多久不  
用摻裾悵離情

題施濟國小照

蕙圃晴光翠陌連荀君坐處一鑪烟家傳麈閣烏臺  
上人在十洲三島邊楊柳風流爭玉樹桃花顏色讓  
金鈿他時皓髮香山老檢取丹青認少年

贈曾爾綸

故鄉初定喜登賢桂魄生華感上天

庚申補行戊午  
鄉試文明啟運



月華虎榜兩頭升玉署

旭園先生為榜首先殿榜先後館選 鵷雉幾

箇似霞僊

林象湖李世來世勿先生並庚申榜哲嗣

高才未忝名人後遠

步須過駿馬前種得芸香為世業謝芝應向此中偏

吾鄉後進之盛稱庚申榜

### 雨中王別駕招飲

銀鞍共到子猷家琴有流泉筆有花且喜祥霖成歲

事好將清讌對年華歌當急處催弦索景最長時動

琯段

是日夏至

日暮主人更投轄不關泥濘阻歸車

### 潞遊舟迴倒壘元韻

近道齋集

卷之三

十五

甘霖未免滯行車却泛輕舸渡渚葭莫怪尋常遊潞

水須知咫尺近京華一官清署惟攤卷小院紅榴正

吐花薄暮呼童具尊酒宵將旌騎枉吾家

### 題布選君雙瑞圖二首

白燕

千年化質有光輝脫却烏衣著雪衣競說玉筐當日

見不知珠館幾時歸河西岸畔迎風舞城北橋灣帶

月飛

吳使君亦見於天橋灣

最是星郎懷皎潔素心相賞莫相

違

瑞菊

本以黃英符土色還聞素蕊應秋時何如併作同跗  
瑞別是重陽一種奇翦綺裁羅空窈窕金相玉質鬥  
離披齋頭竝蒂君曾賞

余齋頭盆菊一萼兩  
花曾為選君所賞

欲倩丹

青傍一枝

和吳比部白燕

天橋灣裏見珍禽飛過蓮塘入柳陰齊郡庭前瑤作  
羽茅山樹上雪爲襟一迎皂蓋知靈物若語雕梁定  
好音聞說侍中雙表瑞釵頭精氣應華簪

近道齋集

卷之三

六

戲題偽沈獅峰画

水墨精華擅玉堂生綃一幅繪林岡但能未失獅峰  
意優孟衣冠亦不妨

贈劉毛伯

鎖院曾鄰席春寒再度宵風輕簾一幅漏永燭三條  
驚足慙先路豐毛定拂霄瀛洲好相待聯佩紫宸朝

壽白軒李公

早辭麾戍返巖扃自爲烟霞適性靈漢室敷名磨閣  
畫晉朝風度漆習經劉綱夫婦皆仙籍荀叔兒孫是

德星珠履筵中誰不羨閭峰高見老松青

壽華亭閣師

景福敷遙壤昌期邁大廷紫宸升似日黃閣壽爲星  
一德紆

天眷千秋降嶽靈風薰金軫律月滿玉階賞禮秩兼三老  
聲華載六經應知舊槐色長與石松青

答軒蓮

芸閣攤書暇相懷在竹林羈翎猶滯迹烹鯉見遙心  
幕府談兵壯巖關養霧深

時在楓嶺劉直謙幕中

寄聲羊叔子

近道齋集

卷之三

七

投筆更清吟

送潘子登

玉貌潘郎已白頭神京初作少年遊豈無竒策堪經  
世恐似寒花欲待秋高適旌旄終貴達虞卿書卷暫  
窮愁歸途莫惜吟兼酒詩伯重封是醉侯

送莊復齋之任濰川

同在扶風絳帳前相將得上大羅天高文舊擢

仁皇代名邑新膺

聖主年邸第最難今日別濰川應有德風偏讀書到此方

成用莫遷生老蠹篇

送周甥令同安

天庭濡翰拔高文才子聲華海內聞  
從許魏舒成宅相惟應喬達號神君  
潮環浯浦懸宵月雨出輪山帶曉雲  
得遇

聖時僊作吏鳴絲恭和舜風薰

贈同門王立常

世業承邦禮文場繼國風  
上林探杏共恩地執經同  
雅興烟霄外心期汗簡中  
慙無寶刀贈巴曲詎能工  
近道齋集

卷之一

大

題汪千波采藥圖

戀闕緣姜被尋山愛紫芝  
願爲黃海客久謝白雲司  
翰墨紛何事松筠未有期  
因君一長歎貞素媿磷緇  
送浣園之任寧台

六蠹辭丹闕雙旗向四明  
浙東新

寵命

黔嶺舊聲名洞戶天台秘  
潮音海嶼生仙蹤兼佛地  
俱荷德風清

贈徐前輩

喬木垂青蔭鮮葩暎絳跗  
淵龍竒半甲穴鳳瑞雙錐

地涌三層浪天開四達衢國珍知趙壁廟器論商瑚  
高步推能者幽棲信命乎一竿嚴子瀨兩槳白公湖  
谷口人稱鄭姚江客姓盧消閑禪寺榻遣悶酒家壚  
設卦占无妄觀爻裕罔孚惟將蘭作友休問桔爲奴  
慮淡塵氛遠神清夢寐俱烟霞緣不淺翰墨興何孤  
堦倡懷東觀琴囊向北都舊交綿世葉前輩識規模  
春草吟詩卷秋林玩画圖風流真未墜傑出媿吾徒

雪

西來王母不曾歸垂手亂翻玉女衣日馭春隨冀莢

近道齋集

卷之三

七

盡雨絲夜帶柳花飛已飄綠浪過青陌更下朱檐撲  
素幃一樹丁香開爛熳可憐著粉轉芳菲

秋日訪強大年先生索贈古梅和尚

屐步槐街訪鄭虔書堂寂靜對秋天直廬身退成孤  
尚鄰寺僧過話四禪座上心情如水月世間榮落是  
風煙他時若向東峰住也共宗雷有法緣

謝星伯齒及服官詩以壽之兼致敦勉

兩家祖父同時人前輩意氣非今倫余昔童稚侍吾  
祖歲在辛酉斗指寅中夜伸足蹴余覺今宵得夢幻

且真給諫謝公惠相訪手持黃冊色鮮新謝公高第  
在乙丑先君後起周千辰榜頭十人

皇所定試冊裝黃此其因乃知前輩告先兆感發夢寐誠  
不泯繫余與君通門好崢嶸世業侶鍾荀君才傑出  
少其匹騰馳千里稱騏驎乙酉侍奉返初服是秋君  
以英髦掄其冬卜居金魚里西家寶樹即芳隣七年  
閭巷素心者水味何淡醪何醇好友王蘊二三子杯  
盤錯置不厭頻松枝塵尾每竟日披寫肝鬲無涯吟  
羨君孝德耀前史采蘭南陔奉慈親高堂大菴啟嘉  
近道齋集

卷之三

三

宴余時歸里從諸賓年來不偕上計吏有烏在林獮  
在湑笑余將老尚慷慨驅車還踏九衢塵平生難忘  
國士遇操持杖几隨平津十試禮部竟一得敢望淵  
魚聳赤鱗居然忝竊蓬瀛客恭荷

國恩

垂珮紳館中老吏舊識面鞠躬前賀負折薪寄書吾  
友相劇切晚獲良實古所陳前歲余齒當五十相國  
貽詩道殷勤男兒成名多老大惟期歲寒茂松筠君  
今已及服官政請以此義爲君申况聞彤廷頒玉歷  
龍飛九五六十春上稽慶祚邁堯舜中朝議禮事紛

聖代貞符諸祥集岡有翮鳳郊游麟搜剔巖穴出才俊如  
君安得容隱淪東堂射策當第一一枝未宜讓却詵  
碧霄浩蕩縱飛翮荆璞剖出光璘靈萱幃繡後方強  
健教子今成廟廊珍寸草春暉那可報迴鸞紫誥酬  
劬辛遠追給諫繩其武芬流貽厥家聲振高秋九月  
澄氛霧榆星陵曉熒清旻此時遙頌山爲壽此日曾  
傳嶽降神故園袖熟菊花盛冠蓋襍踏聯花茵舊交  
霸宦金門側何由驚坐有陳遵亦用歌詩詒親串深  
近道齋集

卷之三

廿一

淺莫辭醉百巡

題謝星伯小影

聞有丹青容鬚眉寫元暉正看叢菊色須着老萊衣  
庭瑞稱琪樹家聲重瓊闥邇來知道力已覺去年非  
壽洪母孫太君

自昔論才俊殷勤賴母賢芬芳蘋藻薦節奏瑤琬傳  
河漢明秋夕笙璈動錦筵還聞紫泥綉

恩錫下高天

恭和

御製原韻

鼎湖號戀盡班行六十餘年景歷長道化淳和還太古聲靈烜赫震殊方調時玉燭寰中照于呂青雲海外望獨爲萬幾勤歲月祇將兆姓惻胸腸高春影落驚輪晦秋樹風來愴候涼德邁虞廷欽

聖孝哀逾雅什奉

宸章

天顏穆想丹青上孺慕深縈

黼宸傍捧誦千迴惟下淚情文生感永難忘

近道齋集

卷之三

廿三

壽海寧相國

景歷三堦正昌期一德親四時歸鼎鼐百職仰陶鈞  
舊是文章伯今爲柱石臣蓬山堆錦繡丹地贊絲綸  
步履輕如許菁華盛莫倫麟鳳占氣象蛟馬比精神  
黼座恩長渥蒼穹福更申趙公年最久潞國禮逾新正是  
高呼日還逢降嶽辰

聖皇膺萬壽上宰亦千春

上谷感舊

上谷高牙是舊遊

李文貞公開府保定余在幕中

旌旄道路感西州



時銜命典試湖  
南道經城外  
召公剩有思人樹傳說終為濟水舟  
李公即於開  
府就拜台衡  
此日琴尊成雨散當時書記盡風流時同  
何王徐魏四人  
其後皆為翰林  
惟餘古樹門前澗凍咽寒烟二十秋

蒙

恩賜歸途中口占

筓水源山入夢頻鳴騶畫錦奉

恩綸故鄉親友應相訝是十年前老舉人

寄林壽侯

絲管聲中送別筵此行好上大羅天

近道齋集

卷之三

三

聖恩今賜歸鄉國可似當時曲裏傳

山東道上口占

當年負笈公車地今日持衡使節來客夢疑衝寒雪

曉王程已覺好風催

苦熱

旅舍望西立煎蒸劇火攻飲冰從受命涸水竟何功

高樹寧遮日炎雲不散風蒼蠅轉無賴搖塵屢呼童

送韓益恬分校歸署

昔歲同登第今秋共鑒文水霜應自信駮驥詎空群

話舊情方愜言歸袂已分長將故人意相望越山雲  
浙溪舟中口占

玉尺親持出鎖闥

聖恩還賜錦衣歸東風也解隨人意送着輕帆去似飛

晚過釣臺

風帆直上子陵灘寂寞荒臺起暮寒

聖世未容歸臥穩暫將使節問烟巒

山行口占

筍山松壑入雲深霧雨蒼茫蔽遠林及到籃輿穿鳥

近道齋集

卷之三

廿四

道方知使節已登臨

楓嶺

石路彎迴繞澗旁輕輿直上到危崗寺僧指點門前

道楓嶺南頭即故鄉

雨度仙霞

一片蒼林萬仞山穿雲冒雨度高關客程不用愁登

陟

恩許皇華載旆還

水口夜泛

危灘過盡水波平結纜連舟趁夜行弦月正中江霧  
起挂帆又逐曉風輕

題表弟黃遂伯畫松

霏霏朔雪晚風颺百尺蒼然擢勁梢他日報恩歸澗  
壑與君共結歲寒交

丙午臈月望日志喜二首

故國川原畫錦榮先人宅兆喜初成

君恩渥處天心感海霧霽開曉日晴

東原吉卜若堂封日暖風和在季冬莫羨皇華歸舊

近道齋集

卷之三

廿五

里先人更覺

主恩濃

題林漢亭寫照

憶曾共踏軟紅塵珥筆彤墀但致身徒羨故人維小  
艇一江烟水自垂綸

題胡司訓行樂圖

科頭閒坐小籬旁晚節金英特地香塵外得無陶靖  
節閒吟詩句對重陽

壽柯聚公五十

我於十年前作詩壽吾子君今年五十我來歸舊里  
羨君有異術壯顏盛髮齒作詩復壽君考祥在視履  
從茲更十春君年值順耳蒙恩再晝遊爲君酌浮蟻  
壽丁提臺

帝念東南切高牙倚碩臣巍科名久著環衛地尤親年少  
登壇早

恩深錫命頻榆星光海澨黍雨遍江濬投分齊僑盼歌章  
頌甫申願同諸父老共酌玉醪春

閨怨

近道齋集

卷之三

共

自昔情難定真成恨有餘祇應逢李益何處覓相如  
戲作

海錯山珍弗外求吾鄉土物富盤羞此來不識鱗魚  
味辜負林泉作晝遊

別表姪黃世則

高館銀缸入夜明簷牙惟聽雨來聲籃輿冒雨侵宵  
到便是桃花潭水情

丁未初春族弟長美送到劍州賦此言別

王春擁節返神京鴻鴈追飛送北征一別龍津歸鷺

水長途誰憶棗花情

近道齋集

卷之三

廿七



水長途誰憶棗花情

近道齋詩集卷之四

丁未以後作

晉江陳萬策謙季甫著

玉圃尊堂雙壽

海昌吾宗老茂德隱巖局康強逾大耄吟興無休停  
行高高士傳光動少微星銀鬢蕭閑侶春容琚瑤鳴  
劉網樊夫人偕老地上行是惟積善慶流祉在家庭  
恭逢

聖錫福壽考瑞昇平歲歲開賓筵冠蓋富耆英工歌何所

奏既醉入瑤笙勗哉循陔者立業揚令名

近道齋集

卷之四

一

壽吳副使

憶昔與君初相知君年正近強仕時義娥迴環十餘  
載齒髮當今服官期前歲蒙

恩歸故里來往經過問行止君言銀鬢在北堂且須晨夕

供甘旨歎息此道古人難孝乎爲政家庭間但使荀  
覲能色養不妨安石嘯東山孟冬十月小春候賈虎  
荀龍翻舞袖還把壽觴上萱帟堦前看發金芝秀

題金別駕全城圖

維茲高郵城上浸臨大湖康熙歲丙子盲風疾雷驅

夏秋苦恒雨仰天長嗟吁衝波撼雉堞勢危西南隅  
一穴苟穿蟻萬衆將爲魚賢哉金別駕爲民不顧軀  
城上三日夜存亡吾與俱經營塞兩關彈丸購泥塗  
傾貲吾不惜何敢辭勞劬終焉得保完忪舞吼其藪  
郵人稱至今好事傳繪圖我讀循吏傳茲事古來無  
濡翰紀汗簡應有石渠儒

題王雲廷尊人卷

李杜文章伯無聞進士科果然憎命達不在賦才多  
緒業森階樹高文采泚莪九原應自慰勿復歎蹉跎  
近道齋集

卷之四

二

題郭勁草度隴圖

平生懷壯志結束事驅騁隴道度深林休辭道路尤  
竭來滯京華皓髮已在頂追思往日遊一瞬如泡影  
竒驥老伏櫪神駒勢已逞所願筋力強春酒日醅酹

題范太僕行樂圖

報國才猷著傳家義訓深春容和氣滿夜象德星臨  
榆樹方流影梧桐有颺音共看渥洼種逸足已駸駸

題范星原行樂圖

秀氣鍾華胄英姿出盛年凝神思簡冊素尚在丹鉛

淡宕當春柳清馨照日蓮休誇粉垣客須是玉堂仙  
郭勁草題別

八水三山兩地殊早年羈旅戀秦都故園荔子珍無  
匹試問林宗有意無

題玉圃試泉圖二首

北苑新芽舊有名一旗采得自清明呼童煮試中冷  
水味與靈臺一掬清

江華數載理桐琴歸橐都無半笏金須信東吳種花  
處祇應如水是臣心

近道齋集

卷之四

三

章節毋李氏

松柯有正性冬雪寒逾鮮栢舟不移志國風采而傳  
吁嗟章氏母苦節四十年結縵方八載如何喪所天  
二老在堂上三雛啼膝前一死寧足惜餘生未可捐  
潔膳稱婦孝授經誨子賢中夜聞寡鵠春深泣杜鵑  
有司陳其事仰荷風綸宣旌操表宅里流光曜井廡  
果報有翻覆門戶更迎躔芝蘭半凋矣桂菊亦摧焉  
昔聞劉與杜哲匠懷丹鉛尚存身後名千秋照簡編  
誰爲傳與史閨壺揚貞堅



張節婦荊氏

鬱鬱紫葦秀皎皎白環潔玉碎質逾貞芝焚氣轉烈  
清河有賢婦習禮脩房閨婉婉奉君姑顏色承歡悅  
雞鳴尚箴規溫克期有節藥餌手所操釵簪紛盡脫  
寡鵠不孤飛生死同一決慷慨復從容恬心赴泉穴  
恭逢

聖明運倫理義娥揭況在縉紳家大義本昭晰近從那畿  
內化以周南達中壘垂頌圖當陽秉彤筆萬年

本朝史作者當匠哲大書而特書汗簡事鏡鏤

近道齋集

卷之四

四

旌表節孝蔣母彭孺人

寡鵠琴中調悲鷓谷裏聲奉姑全孝德鞠子盡哀情  
國史應流耀綸章已寵旌即今承介福謝樹正鮮榮  
旌表節孝張母章孺人

孝德蘭陔共貞名蕙壺傳哀鴈隨銅漏寡鷓入絲絃  
紫綉從天下華坊表宅前會應簪紱盛苦節報當年

許魯齋手植栢

古栢何年植前脩手澤存高柯招鳳宿老榦似虬躡  
不改冰霜操長承雨露恩爭如孔林楷千載尚蟠根

送羅生其宿偕子克樹南歸壽母謝太孺人

古樹皴霜皮不須裹彩疋榮親在學業不貴朱紫色  
有子能希賢黜華而務實三載大學中言行百無失  
品其課藝精荻訓識母德雛鳳食桐花文采耀朝日  
攜歸侍瑤池芝蘭香繞膝風暖春暉長萱莖茂堂北  
勿謂廣文冷雞豚養可必講學奉慈幃倫紀身先率  
正己兼正人母心樂何極遐冀齊岡陵從茲操券得

送王左士之任代州

勝地臨邊要通人佐牧才文名喧梓里高旆出金臺  
近道齋集

卷之四

五

路有薰風送民迎黍雨來仁恩應有感早晚樹三槐  
送族弟庭思之任肥鄉

千里分王甸雙旌出國都光華隣日月運會際唐虞  
判事遊霜鏗澄心對玉壺早看徵拜入丹闕共晨趨  
送表姪蔡邃園南歸

天扉挾藻壓群英雁塔題時舊有名剖竹雖關今日  
事樹讓已動故山情水雲拂權春方暖宮錦裁衣畫  
更榮我亦竊棲懷澗壑何當筍水濯塵纓

送同年李仙蟠之任徐州

金馬同時久銅魚近歲膺齊都盛聲績周典重  
蘇能丹陛綸方渥黃堂

命丹承徐方成政後早見璽書徵

送張登若得教職南歸

宿學

臨軒選鴻談講席膺儒風當代盛師道此時興  
雲漢光何遠菁莪化已蒸業成趨魏闕藥榜佇飛騰

代壽和尚

壽者非無相琳宮現色身立言師古德脩道證前因  
近道齋集

卷之四

六

慧日應長照禪風自遠臻時時來聽講看轉法王輪  
賦得誦詩聞國政

六義傳姬室諸家盛漢時謠吟通里巷贈答叶笙絲  
本自民風采因將國政知溫柔周召什勤樸唐魏詩  
論樂分殊調徵歌審所宜延陵觀舊府端木訪矇師  
學古人爭重窮經俗可移平居耽講誦達者應昌期  
賦得臨民思惠政

皇圖方啟泰

聖政懋勤民端拱釐幾務深思徹曉晨廟堂千載計寰寓

一家春上相謨猷獻群僚奏對親  
幽風耕織重  
鴈雨黍苗勻  
息訟文書簡  
蠲租詔令頻  
普天歌至化  
薄海頌鴻仁  
萬彙歸涵育  
霑濡草木新

賦得敦俗厚農桑

聖治期淳穆

皇仁致阜康  
化民惟富庶  
裕俗在農桑  
比戶無懸耜  
連村有懿筐  
民勤風更樸  
生厚俗逾良  
一本歧三穗  
千蠶聚七襄  
嘉禾書史館  
瑞錦示班行  
熙皞民情樂  
謳歌帝力忘  
泰平絲玉歷  
億載慶無疆

近道齋集

卷之四

七

賦得丹誠勵匪躬

運值勲華盛  
時逢海宇清  
群材歸樂育  
百爾荷生成  
結願心常切  
銜

恩報匪輕奉公懷恪慎體

國勵忠誠不作身  
家計寧爲貨利營  
澤人非市惠  
潔已豈沽名  
革野叻叻韻  
梧崗颯颯聲  
比將葵與藿  
長向

曉報明

賦得更達四門聰

滄海盈珠玕  
荆山富瑤琨  
篤生天運啟  
養育

聖朝恩周室知三宅虞廷闢四門

宸聰還更達

天語自來溫尺寸皆收採毛翎盡翥騫  
旌招澗壑幣帛賁邱園  
芟樸風斯茂卷阿道所敦  
五雲多處望瑞氣溢乾坤

賦得千潭一月印

儀迴光何遠川虛象自涵層霄瞻一月大地映千潭  
水氣騰高下陰暉遍朔南魚龍驚法鏡蟾桂濯澄藍  
祇是心相印寧將手可探影從深處見道向靜中參  
近道齋集 卷之四 八

體用窺精理機鋒入勝談若求空色諦須問老瞿曇

賦得月映萬川圓

心印誰能識憑高望邈然一輪澄皓月萬鏡映清川  
箇箇蟾光滿村村桂影圓靜時滄止水動處泛流泉  
是萬還爲一于淵即在天何人情獨契此理妙難宣  
體用元來合空明象已傳長思參密諦庶得契精詮  
賦得超然會太極

遐想陰陽始覃思造化先元機成卓爾妙趣即超然  
動靜斯焉啟希夷自此傳周圖窺奧義孔易悟真詮

無極幽難睹流形顯已宣包羅絨不露森列象俱全  
體驗知心法萌芽起情田箇中能會取太極理當前  
賦得中爲天地心

妙悟乾坤理機絨在一中從茲分造化因是啟鴻濛  
莫訝心難見須知義可通歛舒時屢換闔闢化無窮  
何處窺偏倚自然徹始終往來千變化動靜兩昭融  
有本茲焉立在人理則同危微非歧念允執契

宸衷

賦得所樂在人和

近道齋集

卷之四

九

在鎬周傳雅迎薰舜作歌

天顏長有喜

皇極本無頗井里豐年稼膠庠盛吐莪寶圖開泰運玉燭  
布時和星聚占營室瀾清奏絳河律隨八風應瑞紀  
五雲多寰宇瞻辰象遐荒驗海波微生逢

聖代託意在卷阿

題紫蘭霞嶺停驂圖

皇華旋返戾彼高關停驂迴眺邈矣三山搜蟻剖璞  
我勞孔艱今日何日靈氣生申丹霞絢瑞萬福來

臻永錫難老豈弟作人

皇華二章章六句

又

長路驅高駕危峯駐使車所欣心不負迴望興猶賒  
紫氣臨關內榆星照海涯今宵逢旅館玉笋酌流霞  
送海寧相國榮旋

和氣鍾真宰昌期挺大賢祥雲金榜下彩筆玉堂前  
桂管綏蒸庶蓬壺領散仙寅清逢舜代啟沃值商年  
奏疏辭丹地

恩綸下碧天謝安情已愜疏廣命仍宣逕菊秋逾茂巖松

近道齋集

卷之四

十

老更堅從茲開綠野瑤竿介遐年

題嚴同門臺灣圖扇

閩海有長島乃在澎湖東南北千五百東西不可窮  
昔爲紅毛窟汎泊南洋通鄭氏攘其地遁逃伏兵戎  
聖朝威武張奮伐收豐功一郡領四邑版章遂大同地氣  
燥且沃晨露濛濛種禾不須耨坐待秋穫豐泉漳  
與潮人百萬萃農工茲那庶而富內販百貨充樂我  
羲皇運化日懸昭融村落何繚曲林岫密叢叢誰將  
一幅圖寫入手握中他日秉麾鉞持此揚仁風

題乞巧圖

桂影當宵照果筵深閨乞巧自年年世間用此惟鍼  
綫萬事俱從拙處全

題晚香玉

素質清姿似水仙晚來香滿小庭前祇應識得西來  
意合種高高最上天

題翠雀

徼外芳叢亦自殊綠莖青葉競紛敷不將濃麗爭春  
日羸得騷人入畫圖

近道齋集

卷之四

十一

吟蟬

何年齊女化遂入蔡琴彈條柳風爲韻高桐露可餐  
連陰輕鬢濕積潤薄綏寒喜雨能同調嘶吟曲未闌  
題郭使君春水泛舟圖

澹澹春水碧鬱鬱春柳綠輕舟泛平湖春野恣延矚  
何時顧將軍丹青寫幃幅眸子炯然醉道氣知內足  
近者奉

恩綸

江介司民牧願言施豈弟膏雨春疇沐浴沂舞雩興  
推心即同樂好解囊中琴仰和南薰曲



壽蔡亨宜太翁

德自鄉閭重名隨齒髮高青緗傳世業寶樹見兒曹  
闢地開三徑聞天喻九臯賓朋環酌斗梅馥入香醪  
詩余履菴六十

篤行孚遐邇冥搜富古今情懷三徑菊聲譽九臯禽  
鉛汞傳真訣箕裘表有嗣音會聞丹鳳詔早晚到烟林

黃虞夏尊堂雙壽

首署傳儒術蘭閨號女宗丹鉛猶黽勉璜瑤每從容  
銀漢星光照瓊筵壽酒濃南陔舞衣者方捧紫綸封  
近道齋集 卷之四 十一

又

名德鍾荀侶徽音劉杜傳龐公偕石隱樊氏並真仙  
絲竹喧紗帳衣冠會錦筵更聞雙綵鳳銜誥下高天

壽周太翁

自昔傳高行于今仰令名花蹊陶菊茂粉署謝芝榮  
綺席喧金管丹顏醉玉觥秋宵翹望處炯炯壽星明

代別鄭掄秀

緝寓消長夏清言對夕晨同爲京輦客喜是梓桑人  
榮路方紆組歸裝正動輪所嗟殊出處惜別轉情親

代送左界園

一帆歸度楚江清，休爲汀蘋動客情。  
宦路息機終灑落，當時直道已分明。  
天邊鴻去飛偏遠，海畔鷗閒狎不驚。  
獨有青門故人意，秋風吟望五羊城。

壽施濟川

西平勲德遠，貽孫伯起清。  
名裕後昆自是鄧，林饒杞梓可知。  
謝砌富蘭蓀，鳳毛耀彩開丹穴。  
雞舌含香，佇粉垣齒髮。如今正強仕，黑頭公輔，紹高門。

壽黃太翁孫嘉

近道齋集

卷之四

十三

舊國煙蘿入夢思，羨君泉石得幽期。  
筍江月照筵中醴，楓嶺雲封壁上詩。  
膝擁鳳毛環綺坐，班聯豹尾近丹墀。  
金英開遍瓊英發，遙把華堂獻壽時。

代送保定彭太守

聖政惟稽古，勤思吏治澄。  
禹都鍾間氣，虞代擢廉能。  
魏望推梁棟，名邦實股肱。  
聲華輝朝著，愷悌頌黎蒸。  
鈍陋慚無教師資，喜有承龔黃。  
知遇邇會見，璽書徵

送黃孫嘉歸里

萬里來官邸，三秋返舊林。  
江山宜遠望，翰墨富清吟。

蘭佩高人興萊衣孝子心

令子請假奉侍南歸

祖筵增別感猶

自滯華簪

題桃源圖

雞犬聲中別有村家家延客置芳樽如何搖艇重來處萬樹桃花鎖洞門

題董

行樂圖

五經傳舊業

宋有董五經隱居得道

六曲隱高人松老連山秀

茶香滿壑春仙賓跨鸞鶴異脯薦麒麟磨更喜謝家楹

長依莊子椿

近道齋集

卷之四

古

題

行樂圖

京洛多緇塵素衣改其色之子獨孤騫去去將有適  
墊服而道巾蒼茫恣行跡提攜榼與尊釀自春江碧  
倦即藉草坐開酌對泉石我亦抱微尚劇有煙林癖  
倘踐青峰盟松下理輕策蕭然物外遊相逢為主客

題

行樂圖

黃海富怪竒殊境非一狀猗嗟采藥翁遺榮履遐尚  
珠湖下逶迤峭立開列障蒼林冠素厓對辟時翹望  
將吟謝客詩高鏡百尋上顧謂盧浩然泉石營意匠

想像煙壺間天風送幽曠何當理輕篋茲焉恣搜訪  
送 之任山右

常日看揮塵今朝餞去輶土風尚唐魏世運是虞周  
俗樸人易化才高仕必優早聞褒茂績當守正旁求  
送 之任粵西

搖檝凌湘水揚旌度嶺雲牧人無遠近茂績必彰聞  
閭井歌來暮金蘭惜離群好將單父軫上和有虞薰  
壽 母

孝有翔烏集官聞還鮓清循咳無愧色樹背有賢名  
近道齋集 卷之四 五

宋幔流芳遠潘輿喜氣生好將母儀頌譜入玉笙聲  
又

愛日陔蘭茂暄風背草春山濤傳啟事陶侃有慈親  
珠履登堂滿瑤笙送酒頻揚名誠不忝多羨綵衣人  
題

仙宦曾鳴處泉兼半井苔直峰拋影入片月瀉光來  
漱灑侵顏冷深沈慰眼開何當值丹頂滿汲石瓶回  
贈

誰賞亭間竹能知麇下桐每尋東漢史遐想古人風

之子稱時彥名揚喻國工已知文似豹還解蠡爲虫  
壽 瑞翁

湖海襟懷獨有君平生意氣握蘭芬言經季布金無  
價酒是周郎客盡醺萱草堂前烏鳥哺棠華樓畔春  
令羣眼看梅塢瓊枝放天樂飄飄下五雲

送 歸里

辭榮粉署向煙霞雪灑輕塵送客車笠澤祗應逢釣  
叟幔亭兼好訪僊家一林玉笋生春色幾樹瓊枝度  
歲華出處今符古人意深秋吟望隔蒼葭

近道齋集

卷之四

六

壽

漱石容耽隱傳經且養親東堂一枝擢背樹百年春  
碧岫當秋漢榆星暎曉旻平輿名跡重洛社結交親  
綵服歸朱闕封章下紫宸重開瑤席宴多爲采蘭人

題

城隅臨廣驛寺逕架澄川馬跡出遊處羊公似昔年  
祥氛恒岳近爽色晉郊連岸樹高低出籬花擁護全  
游魚浮晚磬馴鶴上秋煙梵唄聞清響騷歌綴雅篇  
橋頭留賞久濠上竟悠然

恭賦

御製讀老無逸篇

烟鑑陳姬室遺編覽洛都遐齡邁軒頊勤德紹唐虞  
睿慮周千禩民依念八區屢豐邦大有逸豫老長無風雨

占

皇極星雲麗

帝衢願歌

天子壽升日在東隅

送同年彭鳧麓教習散館南歸

近道齋集

卷之四

十七

故園歸去及春明父老喧喧迓旆旌堂上祇應倚閣  
望閣中今見下機迎舊迴水脈龍津渡新破天荒鳳  
麓城早晚好來紆綬帶河陽花縣待潘生

送同年彭鳧麓之任江川

握手歡相見銜盃惜又分馬辭燕市月鷁上楚江雲  
才是竇滔匹名同卓茂聞早來旋省闥

景歷正虞薰



